

[...] Zum Festtag der Patrone unserer Ortskirche lege ich uns allen die schlichten Vollzüge des Glaubens ans Herz, die Generationen von glaubenden Menschen vor uns gepflegt haben. Ich bitte euch alle, darüber nachzudenken, was euch möglich ist. Die Erfahrung der vergangenen Wochen hat gezeigt, wie wichtig die Hauskirche ist: die Pflege, das Feiern und das Weitergeben des Glaubens in unseren Häusern und Familien. Früher gab es das Morgengebet, das Abendgebet, das Gebet vor dem Essen und nach dem Essen. Da beteten Menschen dreimal am Tag den „Engel des Herrn“. Da gab es das Kreuzzeichen und das Weihwasser, den Herrgottswinkel und die Bilder der Mutter Gottes und der Heiligen, die Zeichen und Bräuche der Volksfrömmigkeit, den Rosenkranz, das Einkehren in unsere Kirchen zu einem Gebet vor dem Herrn im Tabernakel, die Beichte, der Sonntag und der Festtag, der seine Mitte hatte im Kirchgang.

In den letzten Jahrzehnten sind viele dieser schlichten, einfachen, regelmäßigen und doch so einprägsamen Rituale bei vielen Menschen aus dem Gebrauch gekommen; nicht selten wurden sie als bloß äußerlich oder als bloß gewohnheitsmäßig verdächtigt. Doch das ist ein gewaltiger Irrtum! Glaube kann sich nicht beschränken auf einige Ausnahmegelegenheiten. Lebendiger Glaube, der mit unserem Leben zu tun hat und der uns hilft, das Leben zu deuten und zu bewältigen, braucht den Alltag und die Regelmäßigkeit! [...]

Döta la letra „Glauben pflegen, „tatsächlich Armen“ helfen“ é da ciaté sön <https://www.bz-bx.net/>



Vita de ploania y de paisc



Le Signur é mia löm y mia salveza. (Salm 17)

La ploania d'La Pli á tut comié da **Ida Frontull** (+ 18.04.2020, 69 agn) y ti fej les condolanzes ales families de Mareo por la mort dla so. La vita eterna dáí, Signur, y confortela con to lominus!

→ *Les santes messes de sopoltöra y la corona gnará dites poranche ara va.*

1 Enformaziuns y terminis

Comun de Mareo: al ven lascé alessi che privac co á enteres sen da d'aisciöda da jí ete por la Val dai Tamersc (dô Fodara Masaronn) a laoré sö debann la legna/i lens rosedés dal tomp pó le comuniché al assessur competent Patrick Complojer o te Comune.

Ciasa de Palsa: a gauja dal Coronavirus é les portes dla Ciasa de Palsa stlütés dal 05 de merz encá. Aste parenc, amisc o conoscenc te Ciasa de Palsa? Ales medes y ai berbesc ti fajessel n gran plaiei da ciaté n salüde, en segn de vita da defora. Porchel se confortassai sce i ti scriesses a: *“Ennom dal berba/dla meda – Ciasa de Palsa Ojöp Freinademetz – Pinis 50 – 39030 San Martin de Tor”*.

Döt le bun a: Anna Maria Palfrader, *Al Plan* * 26.04.1945
Rita Burchia Zambon, *Milano* * 27.04.1939
y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploian: **Signor Klaus Sottsas**
E-mail: ploania@gmx.net

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA
www.unitepastorala.org

Ann A

26.04.2020 - Terza domegna de Pasca

n. 22

Deventé compagns dal Signur ressorí

📖 **St.Ap 2, 14.22–23 | 1 Pire 1, 17–21 | Jan 21, 1–19**

Dal Vangelo do San Jan:

Te chel tomp ¹s'á Gejú ciamó n iade manifesté ai discepu. Cösc ea söle le de Tibéria y al s'á manifesté a cösta maniera. ²Sciomun Pire, Tomesc, nominé Dídimus – jomelin –, Natánael da Cana tla Galilea, i fis de Zebedéus y dui d'atri de sü discepu ea empara. ³Sciomun Pire ti á dit a d'ei: lu va a pié pesc. Ai ti á dit: I gnun ince nos con te. Spo éσαι piés ia y fora y é jüs tla barca. Mo en che net ne n'ái pié nia. ⁴Canch'al gnea belo de, ea Gejú sön spona. I discepu endere ne sá nia ch'al ea Gejú. ⁵Gejú ti á dit: Mi mituns, ne n'eise nia da mangé? Ai ti á respognü: Na. ⁶Mo el ti á dit: Sciürede fora la rei dala pert derta dla barca, y i abinareis val'. Ai á sciüred fora la rei y n'ea nia plü bogn de la trá endó ete, tan plena de pesc éra. ⁷Danló ti á le discupul, a chel che Gejú ti ore a bun, dit a Pire: Al é le Signur! Canche Sciomun Pire á aldí, ch'al ea le Signur, s'ál ciolé ados le quant da sora ia, deach'al ea desnü y é salté te le. ⁸I atri discepu ea gnüs do con la barca tirenn do la rei con i pesc leite, deach'ai n'ea pö nia dalunc dala spona, ma encer duiciont brac. ⁹Canch'ai ea spo jüs sön tera frema, áí odü ia por tera n fü de boreis y lassora pesc y pan. ¹⁰Gejú ti á dit: Portédenen adalerch de chi pesc ch'i eis der pié. ¹¹Danló é jü Sciomun Pire y á trat la rei fora sön spona. Ara ea emplida de cionicincantetrei de gragn pesc, y sciömia ch'al n'ea tan trec, ne se scarzâ la rei nia. [...]

Oraziun dal de

Periun! Dio onipotent, mantegnesse ennant la ligreza de Pasca, deache te i as scinché ala Dlijia na veia nea da vire y t'as fat lominé nosta dignité de fis de Dio te n sflandur nō: láscesse aspeté plens de confidanza le de dla ressozeziun desco n de de iubilanza y de reingraziamont. Do cösc te periunse por nosc Signur Gejú Crist, to Fi, co é Dio y vir y regneia con te t'l'unité dal Spirit Sant por düc i secui dai secui. – Amen



📖 **Letöres dla Cuarta domegna de Pasca:**

St.Ap 2, 14a. 36–41 | 1 Pire 2, 20b–25 | Jan 10, 1–10

Edema liturgica dai 26.04. ai 03.05.2020

Ince les funziuns de cöst'edema ven tignides zonza la comunité y sará ma da aldí tal Radio de Ploania.

DOM 26.	Terza domegna de Pasca Domegna de San Ciascian y San Vigile (Kassiansonntag)	<i>Maria dal Bun Consei, Maria Consuelo, Cleto, Helene</i>
08:30	gran messa por dōta la ploania s.m. por † Florian Terza (<i>la s.m. de sopoltōra gnará dita plü tert</i>)	
12:00	al ven soné adöm: les ciampanes envieia al'oraziun	
19:30	la ciampana envieia al'oraziun	
Lön 27.	<i>Pire Canisius, Zita</i>	
19:30	la ciampana envieia al'oraziun	
Ded 28.	<i>Pire Chanel, Ludwig Maria Grignon de Montfort</i>	
19:30	la ciampana envieia al'oraziun – corona	
Dem 29.	fiesta de Caterina da Siena (patrona d'Europa), <i>Roswita, Robert</i>	
19:30	la ciampana envieia al'oraziun	
Jöb 30.	<i>Pio V., Hildegard, Rosamunde, Bernhard - de d'oraziun do vocaziuns</i>	
19:30	la ciampana envieia al'oraziun - "Via Lucis", Staziuns de Gejú rosserí	
Ven 01. → 19:30	pröm vendres - Sant'Ojep laurant, <i>Augustin, Arnold, Maximilian</i> s.m. en onú de Sant'Ojep y dal Cör de Gejí s.m. en onú de Santa Maria dal Bun Consei	
Sab 02. 19:30	<i>Atanase, Sigismund</i> la ciampana envieia al'oraziun	
DOM 03.	Cuarta domegna de Pasca DE MONDIAL D'ORAZIUN POR LES VOCAZIUNS San Florian	<i>apostui Filippo y Iaco, Alexander</i>
08:30	gran messa por dōta la ploania s.m. do intenziun dai Stödafüs d'La Pli y d'Al Plan s.m. por † Ida Frontull, Mareo	<i>♫ quartet dla Musiga</i>
12:00	al ven soné adöm: les ciampanes envieia al'oraziun	

i recordun: Maria Trebo Wilhelm, *Paisc Todesc* † 30.04.2015
Jep Ellecosta, *Taibun/Ombolt* † 02.05.2011



Unité Pastorale Val Badia – enformaziun-envit de signor degan

En domegna dles vocaziuns ai 3 de ma vegnel tigní tla dlijia de Badia (slüta) na ora d'adoraziun, empede la prozesciun sö Oies. I podun tó pert y ensciö ester unís tl'oraziun a dōta la valada tres internet (streaming) sot a: [Facebook.com/grupdecanal](https://www.facebook.com/grupdecanal)



L'esperionza da Emmaus (Lc 24, 13–35)

I ponsi do

Gejú é ressorí por romagne entres pa nos.
So dejidder d'amizizia é plü sterch co la mort;
da sen ennant ne tignará plü sö nia y degügn cōsta sōa presenza danter nos.
Encö encuntunse y reconesciunse Gejú, con i edli dla fede, vigne iade ch'i „rumpiun le pan“ dertan l'eucarestia y ascutun sōa Parora co se dá sostegn sōn le tru de nosta vita.

I preii ensciö

Sōn le tru dla vita se staste dlungia y se vegnes do Gejú. T'ascutes nüsc discursc, ciares ales espresciuns de nosc müs, lies te nosta mont y te nosc cör. Te se damanes la gauja de nostes ligrezes y de nostes delujiuns. Te se das coraji, se splighes le porciodi dles cosses, se das entusiasms y na gauja emplü da jí ennant nosc tru. Tla sera de nosta vita, canche döt pō scür y le cör á debojügn de amizizia y familiarité ne t'an vaste tō nia, mo te romagnes pa nos, te nostes ciases gonot ötes, pa nosta mesa da prescia. Tō te sontes jō desco en amich y partesces le pan, segn vi de n amur co ne mör nia. Nüsc edli veiga ci ch'ai n'odea nia denant, la mont reconesc ci ch'ara ne capia nia, le cör sont na ligreza co para morta. Ensciö desco i discepei da Emmaus te dijunse ince nos: „Romagn pa nos, Signur!“

Walter Cazzaniga, Parola amica – Il Vangelo della domenica per ragazzi



I ponsun con le Vangelo (Jan 21, 1–19)

1>									
2>									
3>									
4>									
5>									
6>									
7>									
8>									

- 1> s'á Gejú ciamó n iade ...
- 2> Natánael da Cana tla ...
- 3> Sciomun Pire ti á ...
- 4> Spo éesai piés ia y fora y é jüs tla ...
- 5> Gejú ti á dit: Mi ...
- 6> ne n'eise nia da ...
- 7> Sciürede fora la rei dala pert ...
- 8> deach'ai n'ea pō nia ...

